



Broj:09-20/1-11-2-2127-I
Dana: 16.11.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o izboru najpovoljnijeg ponuđača za Javnu nabavku futrola za naoružanje i štitnike i to za LOT-1 – futrole sa opasačem i podopasačem.

Na osnovu obavještenja o nabavci broj:1412-1-1-220-3-125/21, objavljen u „Službenom glasniku BiH“ broj:62/21 od 08.10.2021 godine, proveden je otvoreni postupak.

1. Za predmetnu javnu nabavku pristiglo je pet ponuda i to od „DANIAL S“ d.o.o Visoko, „PATRIO“ d.o.o. Zenica, „SHOT“ d.o.o. Zenica, „KM TRADE“ d.o.o Visoko i „ABC SPORTING“ d.o.o. Banja Luka, gdje je pregledom dostavljenih specifikacija utvrđeno da je ponuda ponuđača „KM TRADE“ d.o.o. Visoko nepotpuna iz razloga što isti u ponudi nisu dostavili Izjavu o garanciji za uredno izvršenje ugovora u skladu sa tačkom 29 TD., dok su ostale navedene ponude u potpunosti u skladu sa traženim tehničkim specifikacijama navedenim u TD.
2. Komisija je utvrdila da je ponuda ponuđača **“DANIAL S” d.o.o Tešanj** na e-aukciji za nabavku futrola sa opasačem i podopasačem (LOT-1) sa ponuđenom cijenom od 19.000,00 KM bez PDV-a prihvatljiva, formalno pravno ispravna i ista odgovara svim tehničkim uslovima i karakteristikama koji su navedeni u TD te uz primjenu kriterija-najniža cijena, najpovoljnija u ekonomskom smislu i shodno tome dala preporuku da se donese Odluka o izboru najpovoljnijeg ponuđača „DANIAL S“ d.o.o. Tešanj, što je i konstatovano u Zapisniku sa sastanka Komisije od 11.11.2021. godine.
3. Obavezuje se ponuđač iz tačke 2., ove Odluke da u roku od 5 dana od prijema ove Odluke dostavi dokumenta navedena u tački 12., odnosno 13., Tenderske dokumentacije, broj: 09-20-11-2-2127.
4. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
5. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu.
6. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno obavještenju o nabavci broj: 1412-1-1-220-3-125/21, objavljen u „Službenom glasniku BiH“ broj:62/21 od 08.10.2021 godine, kojom prilikom je proveden otvoreni postupak Javne nabavke futrola za naoružanje i štitnika i to za LOT-1 – nabavka futrola sa opasačem i podopasačem.

Dana 25.10.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH.

Komisija je u Zapisniku o pregledu i ocjeni ponuda od 02.11.2021 godine, konstatovala da je ponuda ponuđača „KM TRADE“ d.o.o Visoko za LOT 1 nepotpuna iz razloga što isti nisu u ponudi dostavili Izjavu kojom garantuju da će ukoliko zaključe ugovor za predmetnu nabavku u roku i na način utvrđen TD dostaviti garanciju za uredno izvršenje ugovora shodno članu 29., TD, te je iz navedenog razloga navedeni ponuđač isključen iz daljeg postupka. Komisija je na istom sastanku konstatovala da su ponude ponuđača „DANIAL S“ d.o.o Visoko, „PATRIO“ d.o.o. Zenica, „SHOT“ d.o.o. Zenica i „ABC SPORTING“ d.o.o. Banja Luka za LOT 1 (vrijednost 27.179,49 KM bez PDV-a) formalno-pravno ispravne te da ispunjavaju uslove tražene tenderskom dokumentacijom. Obzirom da je za predmetnu nabavku predviđena e-aukcija, Komisija je Sektoru za mat-fin poslove uputila akt za provođenje e-aukcije.

Komisiji je nakon provedene e-aukcije, dostavljen akt Sektora za mat-fin poslove sa izvještajem o toku i završetku provedene e-aukcije broj: 1412-1-1-220/21 od 05.11.2021 godine, kao i konačna rang lista u otvorenom postupku javne nabavke futrola za naoružanje i štitnika i to za LOT-1– nabavka futrola sa opasačem i podopasačem.

Primjenjujući kriterij–najniža cijena, Komisija je konstatovala da je ponuda ponuđača „DANIAL S“ d.o.o. Tešanj za nabavku nabavka futrola sa opasačem i podopasačem - LOT 1 sa ponuđenim iznosom od 19.000,00 KM bez PDV-a na e-aukciji **prihvatljiva** te shodno članu 70., ZJN Bosne i Hercegovine, predložila donošenje Odluke o izboru najpovoljnijeg ponuđača za pravno lice „DANIAL S“ d.o.o. Tešanj.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis